

歷代帝王宅京記卷三

崑山顧炎武著

吳縣朱記榮校刊

關中一

周 秦 漢

春秋傳曰昭公四年楚椒舉對靈王曰康有酆宮之朝

註酆在始平酆縣東有靈臺康王于是朝諸侯

詩文王有聲箋曰文王作邑于酆立宮

括地志曰豐宮文正宮也在雍州鄂縣東三十五里

詩曰經始靈臺經之營之庶民攻之不日成之經始勿

亟庶民子來王在靈囿麇鹿攸伏麇鹿濯濯白鳥嚶嚶

王在靈沼於物魚躍三輔黃圖靈囿在長安縣西四十二里

歷代帝王宅京記卷三一

朱氏槐廬校刊

孟子曰文王之囿方七十里芻蕘者往焉雉兔者往焉

又曰文王以民力為臺為沼而民歡樂之謂其臺曰

靈臺謂其沼曰靈沼樂其有麋鹿魚鼈

司馬法曰偃伯靈臺答民之休也

淮南子曰文王歸乃為玉門築靈臺

春秋傳曰僖公十五年秦獲晉侯乃舍諸靈臺註在京

周之故臺

水經注曰豐水北經靈臺西文王又引水為辟雍靈沼

詩正義引鄭元說辟雍及靈臺靈囿靈沼皆伺處在郊

括地志曰靈臺高二丈周迴百二十步

詩靈臺曰於論鼓鐘於樂辟雍辟雍文王之學傳曰水旋邱如璧日辟雍以節

觀者正義曰水旋如邱如璧然土之高者體曰邱而此水內孔之地亦圓而內有地猶如璧然土之高者體曰邱而此水內孔之地未必高于水外正謂水而下而地高故以邱言之以水繞邱所以節約觀者令在外而觀也高大戴禮曰明堂以外水法曰璧者象璧圓以水象教化流行

文王有聲曰鎬京辟雍武王之學

王制曰天子曰辟雍諸侯曰頰宮

史記封禪書曰豐鎬有天子辟池索隱曰即周天子辟雍之池正義曰周文

武豐鎬皆置辟雍故秦立祠

三輔黃圖曰文王辟雍在長安西北四十里亦曰璧雍

淮南子曰文王周觀得失徧覽是非堯舜所以昌桀紂

所以亡者皆著于明堂著猶圖也

樂記曰武王克殷祀于明堂而民知孝

歷代帝王宅京記卷三 二

朱氏槐廬校刊

詩序曰我將祀文王于明堂也

孝經曰宗祀文王于明堂以配上帝註曰明堂天子布政之宮也周公祀

上帝于明堂乃尊文王以配之

明堂位曰昔者周公朝諸侯于明堂之位天子負斧依

上聲南鄉去聲而立三公中階之前北面東上諸侯之位阼

階之東西面北上諸伯之國西階之西東面北上諸子

之國門東北面東上諸男之國門西北面東上九夷之

國東門之外西面北上八蠻之國南門之外北面東上

六戎之國西門之外北面東上五狄之國北門之外南

面東上九采之國應門之外北面東上四塞先代反世告

至此周公明堂之制也明堂也者明諸侯之尊卑也武

王崩成王幼弱周公踐天子之位以治天下六年朝諸侯于明堂制禮作樂頒度量而天下大服七年致政于成王

考工記曰周人明堂度九尺之筵東西九筵南北七筵堂崇二筵五室凡室二筵

周書明堂解曰明堂方一百一十二尺高四尺階廣六尺三寸室居中方百尺室中方六十尺戶高八尺廣四尺東應門南庫門西臯門北雉門東方曰青陽南方曰明堂西方曰總章北方曰元堂中央曰太廟左爲左个右爲右个

大戴禮曰明堂以茅蓋屋上圓下方水曰辟雍赤綴戶

歷代帝王宅京記卷三

三

朱氏槐廬校刊

也白綴牖也堂高三尺東西九筵南北七筵九室十二堂室四戶戶二牖其宮方三百步在近郊三千里或以爲明堂者文王之廟也周時德澤洽和蒿茂大以爲宮柱名蒿宮也

白虎通曰明堂上圓下方八窗四闔布政之宮在國之陽上圓法天下方法地八窗家八風四闔法四時九室法九州十二坐法十二月三十六戶法三十六雨七十二牖法七十二風

漢書應劭註作三十六旬七十二候

春秋傳曰昭公十二年楚右尹子革對靈王曰王是以

獲沒于祗宮

謂周穆王

竹書紀年曰穆王元年築祗宮于南鄭

九年築春宮

十四年五月作范宮

十五年作重璧臺

詩序曰斯干宣王考室也其詩曰秩秩斯干幽幽南山

長樂劉氏曰南山鎬京之陽終南之山也

漢書劉向傳曰宣王中興更爲儉宮室小寢廟詩人美之斯干之詩是也

秦

史記年表曰襄公八年始立西時祠白帝索隱時止也言神之所依也

本紀曰文公元年居西垂宮

歷代帝王宅京記卷三

四

朱氏槐廬校刊

十年初爲鄜時索隱曰鄜音敷地名後爲縣屬馮翊

封禪書曰秦文公夢黃蛇自天而下屬地其口止于鄜

衍索隱引鄭衆註周禮曰下平曰衍文公問史敦敦曰此上帝之徵君

其祠之于是作鄜時用牲郊祭白帝焉自未作鄜時也

而雍旁故有吳陽武畤雍東有好畤皆廢無祠或曰自

古以雍州積高神明之隩故立時郊上帝諸神祠皆聚

云蓋黃帝時嘗用事雖晚周亦郊焉其語不經見搢紳

者不道索隱引鄭衆註周禮曰搢紳帶之間曰薦謂進而置于紳帶之間

年表曰十九年作祠陳寶

封禪書曰作鄜時後九年文公獲若石云于陳倉北阪

城祠之蘇林曰質如石也其神或歲不至或歲數來來

也常以夜光輝若流星從東南來集于祠城則若雄雞

其聲殷云野雞夜雊臣瓚曰殷聲也以一牢祠命曰陳寶正義曰三

秦記云太白山西有陳倉山上有石雞括地志云陳倉山在岐州陳倉縣南又云寶雞神祠在漢陳倉縣故

城中今陳倉縣東

本紀曰武公元年居平陽封宮正義曰宮在岐州平陽城內

德公元年初居雍城大鄭宮正義曰漢有五時在岐州雍縣南酈時吳陽上時下

北時密時

宣公四年作密時

封禪書曰秦宣公作密時于渭祭青帝

始皇本紀曰康公共恭同公居雍高寢桓公居雍大寢景

公居雍高寢躁公居受寢

歷代帝王宅京記卷三 五

朱氏槐廬校刊

年表曰靈公三年作上下時

封禪書曰秦靈公作吳陽上時祭黃帝作下時祭炎帝

素隱曰吳陽地名蓋在岳之南又上云雍旁有故吳陽武時今蓋因武帝時又作上下時以祭黃帝炎帝

櫟陽雨金秦獻公自以為得金瑞故作畦時櫟陽而祠

白帝晉灼曰漢註在隴西縣人先祠山上下形如種

在隴西也又以上諸地皆在雍獻公徙治櫟陽邊有雨

本紀曰獻公二年城櫟陽史記正義曰櫟陽故城在雍

地志云櫟陽故宮在櫟陽縣北三百五里秦獻公所造

孝公十二年作為咸陽築冀闕徙都之

始皇本紀曰二十六年初并天下收天下兵應劭曰古

兵聚之咸陽銷以為鐘鐻金人十二重各千石置宮庭

中履正六尺皆漢書五服行志云二十二人見于臨洮故人銷兵器鑄

象下兵器鑄後漢書云十二各重二萬斤漢世在長樂

宮門漢書郊祀志曰甘露元年夏建章未央長樂宮鐘

簾銅人皆生毛長一尺許時以為美祥魏志董卓傳云

悉壞銅人十餘枚徙清五門裏魏明帝欲將詣洛載到

卓壞銅人十餘枚徙清五門裏魏明帝欲將詣洛載到

之霸城苻堅不可徙入長安而銷之徙天下豪富于咸陽

十二萬戶諸廟及章臺上林皆在渭南秦每破諸侯寫

放其宮室作之咸陽北阪上正義曰今咸陽縣北阪上南臨渭自雍

門以東至涇渭正義曰雍縣東殿屋複道周閣相屬所

得諸侯美人鐘鼓以充入之

二十七年作信宮渭南已更命信宮為極廟象天極索隱

曰為宮象天極故曰極廟天官書曰中宮曰天極是也自極廟道通酈山作甘泉

宮前後殿築甬道自咸陽屬之應劭曰謂於馳道外築

見甬音勇三十五年始皇以為咸陽人多先王之宮庭小吾聞周

文王都豐武王都鎬豐鎬之間帝王之都也乃營作朝

宮渭南上林苑中先作前殿阿房正義曰房白郎反括

曰阿城在雍州長安縣西北十四里按宮在上林苑

中雍州郭城西面即阿房宮城東面也師古曰阿近

也以其去咸陽近耳號阿房東西五百步南北五十丈上可以坐萬

人下可以建五丈旗周馳為閣道自殿下宜抵南山表

南山之顛以為闕為複道自阿房渡渭屬之咸陽以象

天極閣道絕漢抵營室也索隱曰天官書云天極紫宮

歷代帝王宅京記卷三 六

朱氏槐廬校刊

謂之阿房宮

索隱曰此以形名宮也言其宮四阿房廣也

隱宮徒行者七十

餘萬人

正義曰餘刑見于市朝宮刑一百日隱于蔭室養之乃可故曰隱宮下蠶室是

乃分作

阿房宮或作酈山發北山石椁乃寫蜀荆地材皆至關

中

寫輪也

計宮三百關外四百餘于是立石東海上胸界

中以爲秦東門因徒三萬家酈邑

麗驪同

五萬家雲陽皆

復不事十歲

二世元年東行郡縣還至咸陽曰先帝爲咸陽朝廷小

故營阿房宮爲室堂未就會上崩罷其作者復土酈山

正義曰謂出土爲陵既成還復其土故云復土

酈山事大畢今釋阿房宮弗就

則是章先帝舉事過也復作阿房宮

水經注曰關中記曰阿房殿在長安西南二十里殿東

歷代帝王宅京記卷三

七

朱氏槐廬校刊

西千步南北三百步庭中受十萬人

又曰鎬水逕磁石門西門在阿房前悉以磁石爲之故

專其目令四夷朝者有隱甲懷刃人門而脅止以示人

故亦曰却胡門也

漢書賈山傳曰起咸陽而西至雍離宮三百鐘鼓帷帳

不移而具又爲阿房之殿殿高數十仞東西五里南北

于步從車羅騎四馬騫馳旌旗不撓爲宮室之麗至于

此使其後世曾不得聚廬而託處焉

漢書地理志曰右扶風雍秦惠公都之有索泉宮孝公

起祈年宮惠公起

史記正義斬年宮在岐州城西故城內

棫陽宮昭王起

在今岐州扶風縣東北

鄂有萑陽宮秦文王起亦作倍陽漢書東方朔傳曰倍陽卽萑陽也其音同耳在今鄂縣西南二十五里

陳倉有羽陽宮秦武王起

盤屋有長楊宮有射熊館秦昭王起

好時有梁山宮始王起史記三十一年幸梁山宮

虢有虢宮秦宣太后起在今岐州虢縣界

美陽有高泉宮秦宣太后起

三輔黃圖曰西垂宮見上

平陽封宮見上

蘄年宮秦穆公所造漢志作惠公

橐泉宮皇覽曰秦穆公冢在橐泉宮祈年觀下

歷代帝王宅京記卷三

朱氏槐廬校刊

步高宮在新豐縣亦名市邱城

步壽宮在新豐縣步高宮西

萑陽宮見上

虢宮見上

械陽宮見上

信宮亦曰咸陽宮始皇窮極奢侈築咸陽宮因北阪營

殿端門四達以制紫宮象帝居引渭水貫都以象天漢

橫橋南渡以法牽牛橋廣六丈南北二百八十步六十

八間八百五十柱二百十一二梁橋之南北有隄繳立

石柱水經注曰柱南京兆立之柱北馮翊立之有令丞各令徒一千五百人

咸陽北至九嶷甘泉南至鄂杜東至河西至汧渭之交

東西八百里南北四百離宮別館彌山跨谷輦道相屬木衣綈繡土被朱紫宮人不移樂不改懸窮年忘歸猶不能徧

朝宮始皇營朝宮于渭南上林苑庭中可受十萬人車行酒騎行炙千人唱萬人和收天下兵聚之咸陽銷以爲鐘鐻高三尺鐘小者皆于石也銷鋒鏑以爲金人十二以弱天下之人立于宮門坐高三丈銘其後曰黃帝二十六年初兼天下改諸侯爲郡縣一法律同度量大人來見臨洮其大五丈足跡六尺銘李斯篆蒙恬書

阿房宮亦曰阿城惠文王造宮未成而亡始皇廣其宮規恢三百餘里閣道通驪山八十餘里表南山之顛以

歷代帝王宅京記卷三

九

朱氏槐廬校刊

爲闕絡樊川以爲池作阿房前殿以木蘭爲梁以磁石爲門

興樂宮秦始皇造

見上

鐘宮在鄂縣東北二十五里始皇收天下兵銷爲鐘鐻此或其處也

蘭池宮史記始皇三十一年爲微行咸陽與武士四人俱夜出逢盜蘭池漢書渭城縣有蘭池宮

正義曰括地志云蘭池在

即古之蘭池在咸陽縣界秦記云始皇引渭水爲池築爲蓬瀛刻石爲鯨長二百丈逢盜之處也

注咸陽縣東南三十里周氏陂陂南一里有漢蘭池宮

梁山宮在好時界古公踰梁山邑于岐下卽此

長楊宮在盤屋

見下

望夷宮在涇陽縣界長平觀道東北臨涇水以望北夷  
因爲宮名史記二世乃齋于望夷宮

張晏曰宮在長陵西北長平觀道東

故亭處是也

林光宮二世所造從廣各五里在雲陽縣界

雲閣二世所造起雲閣欲與南山齊

咸陽故城在今咸陽東二十里自孝公至二世並都此  
馳道按秦始皇本紀曰二十七年治馳道註曰天子道  
也蔡邕曰馳道天子所行道也今之中道然漢書賈山  
傳曰秦爲馳道于天下東極燕齊南極吳楚江湖之上  
濱海之觀畢至道廣五十步三丈而樹厚築其外隱以  
金椎樹以青松漢令諸侯有制得行馳道中者行旁道

歷代帝王宅京記卷三

十

朱氏槐廬校刊

無得行中央三丈不如令没入其車馬

漢書鄒陽傳曰秦倚曲臺之宮懸衡天下

韓非子曰秦大饑應侯請曰五苑之草著蔬菜橡果棗  
粟足以活民請發之

漢

漢書地理志曰秦地于天官東井輿鬼之分壑也其界  
自宏農故關以西京兆扶風馮翊北地上郡西河安定  
天水隴西南有巴蜀廣漢犍爲武都西有金城武威張  
掖酒泉敦煌又西南有牂柯越巂益州皆宜屬焉秦之  
先曰柏益出自帝顓頊堯時助禹治水爲舜朕虞養育  
艸木鳥獸賜姓嬴氏歷夏殷爲諸侯至周有造父善馭

習馬得華騮綠耳之乘幸于穆王封于趙城故更爲趙氏後有非子爲周孝王養馬汧渭之間孝王曰昔伯益知禽獸子孫不絕迺封爲附庸邑之于秦今隴西秦亭秦谷是也至元孫氏爲莊公師古曰氏與是同古字通用破西戎有其地子襄公時幽王爲犬戎所敗平王東西維師古曰邕襄公將兵救周有功賜受邽師古曰鄠之地師古曰邕列爲諸侯未央宮漸臺西有桂宮中有明光殿皆金珠玉璣爲簾箔西京雜記云武帝爲七寶牀雜寶案厠寶屏風列寶帳設于桂宮時人謂之四寶宮漢書孝哀傳皇后遯居桂宮右桂宮

北宮 在長安城中未央宮北近桂宮周回十里高帝

歷代帝王宅京記卷三

十二

朱氏槐廬校刊

時制度草創孝武增修之中有前殿廣五十步珠簾玉戶如桂宮漢書呂太后崩孝惠皇后廢處北宮又哀帝崩貶皇太后趙氏爲孝成皇后遯居北宮

壽宮 北宮有神仙宮壽宮張羽旗設供具以禮神君神君來則肅然風生帷帳皆動

紫房復道 漢書孔光傳成帝母太皇太后自居長樂宮帝祖母定陶傅太后在國其詔問當何居光不欲令后與帝旦夕相近卽議以爲定陶太后宜改築宮大司空何武曰可居北宮上從武言北宮有至房復道通未央宮師古曰復傅太后從復道朝夕之帝所

程大昌雍錄曰天子之居當爲正宮其外皆離宮也漢

都長安若未央則其勑爲至長樂則因秦而加葺治也也兩宮初成朝諸侯羣臣乃于長樂叔孫緜葦蓋首施乎此不在未央也至高帝登假亦在長樂則長樂也者既以爲居又以受朝無異乎正宮矣然自惠帝以後人主皆居未央而長樂常奉母后則雖長樂亦當命爲離宮而未央當爲正宮也故凡語及長樂者多曰東朝則其命名固已分乎正宮矣至于甘泉雖在長安東北三百里外爲夫方士輩多云古帝王之所嘗都故武帝立朝邸其上而藩侯夷酋有來朝者亦皆受之于此若常制則類以五月往八月還蓋避暑耳此外如建章桂宮北宮之類雖在都城亦離宮矣 右北宮

歷代帝王宅京記卷三

十二

朱氏槐廬校刊

明光宮 武帝太初四年起在長樂宮後南與長樂宮相連屬漢書成都侯商嘗疾欲避暑從上借明光宮王莽始建國元年改明光宮爲定安館定安太后居之又曰武帝求仙起明光宮發燕趙美女二千人充之率取二十以下十五以上年滿三十者出嫁之掖庭令總其

藉有死出者隨補之

雍錄曰漢有明光三太初四年起與長樂相連者武帝太初四年起

即武帝所起發燕趙美女三千人充之至尙書郎主作亦武帝所起發燕趙美女三千人充之至尙書郎主作文書起草更直于建禮門內則明光殿矣建禮門內得神仙門神直于建禮門內則明光殿矣建禮門內宮殿中則見于圖志至歷代宮名之書則于後漢門名有建禮門東都之耶

太子宮甲觀

太子宮有甲觀畫堂漢書曰孝成皇帝

元帝太子也母曰王皇后元帝在太子宫生甲觀畫堂  
註曰甲者甲乙丙丁之次元后傳曰見于丙殿此其例  
也畫堂謂宮殿中彩畫之堂 右長樂城內宮

永信宮 哀帝尊恭皇太后曰帝太后稱永信宮  
中安宮 哀帝尊恭皇后曰帝太后稱中安宮

養德宮 趙王如意年幼未能就外傅戚姬養之趙王  
內傅趙媼傅之號其室曰養德宮 西京雜記同又曰後改為魚藻宮

右長安宮異名

長門宮 離宮在長安城東 漢書東方朔傳更名竇太

主園在長安城東南 孝武陳皇后得幸頗妬居長門宮 史記

封禪書正義曰括地志云長安門故亭在雍州萬年縣東北苑中後館陶公主長門園武帝長門宮即此

歷代帝王宅京記卷三

十三

朱氏槐廬校刊

鈎弋宮 孝武鈎弋夫人有寵生昭帝妊娠十四月上

曰聞昔堯十四月而生今鈎弋亦然乃命所生門曰堯

母門所居曰鈎弋宮漢武故事曰鈎弋宮在直門之內

儲元宮 在長安城西漢書外戚傳信都太后與信都

王俱居儲元宮

宣曲宮 在昆明池西孝宣帝曉音律常于此度曲以  
為名

龍淵宮 漢書元光三年敕決河起龍淵宮服虔曰宮

在長安西作銅飛龍故以為宮名 右長安城外離宮

甘泉宮 一曰雲陽宮史記始皇二十七年作甘泉宮

及前殿作甬道 築垣牆于街巷 自咸陽屬之關輔記曰林光宮

一曰甘泉宮秦所造在今池陽縣西甘泉宮以山爲名周匝十餘里漢武帝建元中增廣之周十九里去長安三百里望見長安城黃帝以來圜邱祭天處漢書地理志雲陽縣有休屠金人及徑路神祠三所郊祀志雲陽有徑路神祠祭休屠王也孟康曰匈奴祭天處在雲陽甘泉山下秦奪其地徙休屠右地程大昌曰匈奴傳云霍去病出隴西過焉耆千餘里得休屠王祭天金人師古曰作金人以爲天神之主而祭之今佛豫是其遺法也武帝嘉休屠王來降而爲渾邪所殺故以其像祠諸甘泉又取泉本匈奴祭天之地爲秦所奪豈不謬哉

遁甲開山圖云雲陽先生之墟也武帝造關於南以象方色于甘泉宮更置前殿始造宮室有芝生甘泉殿邊房中漢舊儀云芝有九莖金色綠葉朱實夜有光乃作芝房之歌帝又起紫殿雕文刻鏤黼黻以玉飾之成帝

歷代帝王宅京記卷三

十四

朱氏槐廬校刊

永始四年行幸甘泉郊泰時神光降于紫殿今按甘泉谷北岸有槐樹今謂玉樹根幹盤峙二三十年木也楊震關輔古語云耆老相傳咸以爲此樹卽揚雄甘泉賦所謂玉樹青葱者也甘泉有高光宮又有林光宮有長定宮竹宮通天臺通靈臺武帝作迎風館于甘泉山後加露寒儲胥二館皆在雲陽甘泉中西廂起徬徨觀築甘泉苑建元中作石關封巒鳩鵲觀于苑垣內宮南有昆明池苑南有棠梨宮西京雜記曰成帝設雲帳雲帷雲幙于甘泉紫殿世謂三雲殿長定宮 在林光宮三輔決錄曰后從帝行幸甘泉宮居長安宮孝成許皇后廢處昭臺宮歲餘徙長定宮竹宮 甘泉祠宮也以竹爲宮天子居中漢舊儀云竹

宮去壇三里

棠梨宮 在甘泉苑垣外雲陽三十里

通靈臺 王褒雲陽記曰鈎弋夫人從至甘泉而卒葬

雲陽武帝思之起通靈臺于甘泉宮有一青鳥集臺上

往來至宣帝時乃不至 右甘泉宮

昭臺宮 在上林苑中孝宣霍皇后廢處昭臺宮後十

二歲徙雲林館乃自殺

大臺宮 在上林苑中長安西二十八里漢書江充召

見大臺宮

扶荔宮 在上林苑中武帝元鼎六年破南越起扶荔

宮宮以荔枝得名

以植所得奇草異木菖蒲百本山薑十本甘

歷代帝王宅京記卷三

朱氏槐廬校刊

蕉十二本留求子十本桂百本密香指甲花百本龍眼

荔枝檳榔橄欖千歲子柑橘皆百餘本土木南北異宜

歲時多枯瘁荔枝自交趾移植百株于庭無一生者連

年猶移植不息後數歲偶一株稍茂終無華寔帝亦珍

惜之一旦萎死守吏坐誅者數十人遂不復蒔矣其實

則歲貢焉郵傳者疲斃于道極為生民之患至後漢安

帝時交趾郡守極陳其弊遂罷其貢西京雜記曰初脩

上林苑羣臣遠方各獻名果異樹亦有製為美名以標

奇麗梨十紫梨青梨

寔大

芳梨

寔小

大谷梨細葉梨縹葉梨

金葉梨

唐太守王所獻

瀚海梨

出瀚海北

東王梨

出海中

紫條梨棗七

弱枝棗玉門棗棠棗青華棗栲棗赤心棗西王棗

出崑崙山

葡萄宮 在上林苑西哀帝元壽二年單于來朝上以太歲厭勝所在舍之上林苑蒲萄宮

歷代帝王宅京記卷三

十六

朱氏槐廬校刊

光緒歲在著雍困敦春月吳縣朱記榮槐廬家塾校刊  
歷代帝王宅京記卷三終